

輝縣志




光輝

縣

志

書



萬歷庚辰舊志序

夫郡邑之有志所以紀事

蘇夔稽古

考因革而垂勸戒匪以侈

繁文炫華

世之為志者點綴景物誇詡形勝詳於近

事而畧於遠稽苛於析冗而謬於褒刺曷

裨於世教也我衛屬邑維六而輝則右倚

行麓左統衛流先代名賢棲跡潛德之所

昔也淳朴今則澆漓昔稱饒洽今則彫槁

所賴為之令者宣化宜民仰需聖澤而志

則隨時紀載因事條列世道之升降生民

之休戚可攷也舊志作於嘉靖六年暨今

五十二載踈畧特甚田自均丈後分為三

等沙堦瘠逋已撥歸德武陟濟源徭銀奏

歸原縣種馬隆慶年奉文變賣其半而孳

者本折互解開堰創於嘉靖乙巳而漸加

脩增近自萬歷乙亥聶侯履任見淫潦橫

灤縣志

溢沮如萬頃乃鑿渠濬流膏腴連陌又裁
冗役以減征派墾荒蕪以完國賦驛傳懸
額召募而免橫索里甲醜銀官支而無濫
費他如覈侵隱之學田釐書院之祀典程
士正俗咸頒科訓此皆一邑重務舊志所
未載而及今不及載焉後將曷攷茲志之
脩刻也寧容已乎俟五載闡謀精慮恒以
先勞自任其凡所經畫悉具本志及書院

志內為詳是書初選委文學李子棊李子
容莊復請鄉進士崔公守一兼總其務邑
紳郡守冀公車駕郎王公復詳校焉閱旬
月而告成屬予為之序余以不敏辭侯謂
鄉耆之生於是邦湛飫文獻其言可為據
予取而讀之見其考覈精博體裁嚴整表
贊特而歷履不遺重評隲也紀興革而文
牒備具邈弊源也標古蹟而文藝附注便

稽覽也旌名宦而碑刻咸錄勸將來也其事核而不浮其詞質而不俚稽制準道可以裨政可以範俗維時侯適奉命以治最徵赴闕下不日將輝煌於措邑者殫猷廊廟弘施佇目可觀而是刻也永為遺澤云萬歷八年歲庚辰四月上旬之吉賜進士出身中憲大夫奉勅撫治重夔兵備四川提刑按察司副使郡人周錫西邑謹序

順治己亥舊志序

輝邑擅山水勝槩太行列於西北衛河繞其東南蘓門百泉占踞其中遊者悅其岑寂清壙皆徘徊而不忍去遑遑有卜居者所以隱遯之士樂道之人穴棲岩處址跡紛然每過其地望其風景憶其性情恍如晤先民於濱麓令人油然而起樂道之心己亥歲余受命吏茲土履任之日適督撫傳

備志之檄因囑邑庠生王光曦任其事詢
之父老稽之載籍深山窮谷遍為博採數
月告竣余撫之慨然曰蘓門名勝自昔聞
之入疆之初見其山川風土心甚悅之以
為吏治之暇登高眺遠怡心目適性情此
中高賢遺趣猶可領畧深山大澤不無得
道之人煙火風塵而外庶幾旦暮遇之及
越其郊雞犬聞然矣達其郭廛市圯然矣

升其堂垣堵蕭然矣嗚呼蘓門胡為至此
哉噫我知之矣蘓門之山所產者荒草荆
棘既無梗楠梓杞之材百泉之水所生者
藻荇清芹又鮮鱣珠魚鹽之利且近山者
多石田近水者多澤田石田則微旱不收
澤田則微潦不熟是以一歲之中苦變不
同一邑之內悲災各異而輝民自古難於
有年况自明季奇荒之後移鄉塲於百泉

之左通省官士大集於茲山僻孤城產不
勝貢忽加以都會之費日可抵年至於
國朝未暇更議六科以來田埜荒廢士民逃
亾十失八九僅存一二者猶朝不謀夕如
葉盡之蠶懈懈待斃耳錢穀空虛卷牘徒
設室家消散杖朴奚加四圍村落半屬邱
墟六街甲第盡成流官神農后稷之書難
效於淤澤不毛之地漆林官海之術安施

於荒涼澄澹之區嗚呼蘇門安能不至於
此哉在蘓門祇可以稱天地之奇觀而不
可以計賦稅祇可以計川嶽之靈秀而不
可以閒農商祇可以儲才養德供賢人高
士苦學修道之所而不可三年九載為鞅
掌俗吏稽勲考績之方其於國家如飲食
中之有苦茗衣廬中之有玩飾也苦茗雖
佳以之充饑不如薄粥玩飾雖美用之御

寒不如敝衲人欲求苦茗玩飾與飲食衣廬同功是徒敝之而無其效也既又為不效而遽欲毀之亦大非人情矣然今

國家壯麗繡疆萬里猶夫飲食衣廬既足之時而且將捐苦茗毀玩飾豈情也哉嗚呼蘓門否已極矣此時督撫公為輝建蠲荒之請是於飲食衣廬中惜此苦茗玩飾者也使繼此而岑寂清塘之區克永安貞夫

豈僅蘓門之幸與

順治十六年歲次己亥文林郎知輝縣事趙蔭奇序

邑有志如國有史雖累百千歲因之可也乃中或一再傳或十數傳輒不能已於循者蓋天道繫焉地力會焉人事應焉然造者祖孫父子所授受者一王之井疆伏臘婚喪所習尚者百里之食貨即其間星隕

鷄退無麥無冰奢儉不常樸巧頓易一時
編輯所及直畧而諉諸氣數耳固未嘗刻
刻以事應徵之也迨夫高谷深陵川原失
故石言鶴化人物全非有識者於此訪遺
跡於灰燼瓦礫之中吊勝槩於衰草寒煙
之外曠懷已事如在目前始深思天人感
應之理歷歷其不誣爾夫昔之人亦嘗遭
革代矣其一旦奮筆而起依星野時令以

從天表封建貨殖以從地採風俗禮樂以
從人於古為徵於今為信於後為一代之
史乘也豈非委曲繁重議與任之交為其
難者歟大中丞賈公撫豫之明年徧檄所
屬郡邑各脩乃志共志成余方家於共邑
彥請余言以弁其端余輒然曰賈公詢知
本哉所謂善治者不必以一人治數百十
人而使數百十人各自治焉不必以一日

治數百十年而使數百十年守之亦無不
治焉今夫共蓋古伯國唐宋以下或州或
邑一泉萬頃沃而淳甲於中州舊矣試問
園廛漆林昔之二十而一二十而五者今
幾何而泉錯紵纒且百不存一什不及二
三焉仰觀俯察準今酌古有不始則瞿然
驚既則愾然嘆已復惕然思急求所以變
計之者乎且豫固百戰之餘也河南北實

與寇亂相終始興衰之故一望列眉由是
兩暘若而天道以稽建置復而地力以齊
官師正而人事以協蓋三極之濟也治道
云何而不古乎是故日星河嶽文章斯三
者皆精氣之聚也亦莫不始於人事而天
地應之公可謂知本矣所最憐者余汴沒
而家於共已而

國朝定鼎又十六年於茲矣共之全勝不及

見於前則獨逢其終於今則僅邁其始其屬望後來之人事益不能不惓惓三致意云

順治十六年歲在巳亥秋七月下浣之吉賜進士出身右春坊右中允兼內翰林秘書院

編輯

勅封儒林郎前

國史院編修予告養親里人王紫綬序

輝縣志卷之首

舊序

九

康熙庚午舊志序

自古一王之興必有代之史所以紀政治考山川載人物而一代之典章文憲于是乎昭焉猶懼其畧而未備也復為脩明志書以廣其傳今

聖天子大化翔洽海宇清寧而尤於文治為兢
兢故

特命儒臣纂脩一統志將以垂示東茲而補國

史之闕失吾豫大中丞閻公體我

皇上脩明文憲之至意亦即取全豫之志為已
任延請名儒耆碩而一一更定之且徧檄
所屬各郡邑共為脩舉以成書甚盛典也
至如輝邑偏隅僻處地瘠而民貧似無足
比數者雖然共城又巖邑也太行列於西
北衛河繞於東南而百門之泉復居其勝
更有共山白鹿玉柱道人諸峰以拱列之

以故晉有處士宋有高賢大儒元明有名
臣碩彥諸君子棲跡講學於其地稱名勝
焉則其間分野灾祥山川土田官師人物
固彬彬乎三材具備也志又安可忽乎哉
但志始於嘉靖之六年脩於

本朝之順治十六年兵燹之後繼以灾荒迄今
復三十餘載昔之人稱淳朴者今或近澆
漓矣昔之地稱膏腴者今且多蕪穢矣昔

之賦八萬有奇而今減什之五矣昔之丁口稱數萬有奇者今或僅八千餘而已觀於此有不禁世道民生之感焉然地靈起而人傑輩出冠帶爲履之盛蓋殷殷焉余既濫宰斯邑豈得以數十年來之故實而可失其傳乎於是延邑紳郡守冀公總其事而督捕孟公中翰孫公邢臺邑侯馬公孝廉王公以及博士弟子員王光曦李惠

郭迺禧等共相較閱兩匝月而告成焉考覈必期其詳不敢以踈陋譏也表揚必期其當不敢以偏私徇也興革必溯其源流以明利弊所由始古蹟必著其文藝以供憑弔所考稽他若風俗因革賦役之屬莫不分列而布置之且繁者爲之刪缺者爲之補而志之事庶幾其備矣夫古者千乘之國與附庸之邦皆有史官以掌記時事

第不過君卿大夫言動之一端而所謂分野灾祥山川土田官師人物之類意別有圖籍以主之今志則無不燦列矣是故古史之失在畧而今志之得在詳也後之採風者覽其遺文而一代典章名物之盛輝雖叢爾邑不既犁然可考也哉

康熙二十九年歲次庚午十月穀旦承直
郎知輝縣事滑彬撰

夫志者所以紀沿革載法制叙政教彰勸懲凡古今興廢之端人物榮悴之由田廬之腴瘠閭井之盛衰以及利源弊竇民隱時艱靡不記載誠足以維風俗而正人心稽時宜而裒治理乃教化之原為政之本也所闕豈不鉅哉第今日司民社者恒殫精畢慮於簿書期會之間至彙輯先型採訪謠俗則視為不急之務而不暇及良可

慨也共城邑志雖中丞賈公於己亥之歲
檄令纂脩但時值鼎革之後文獻殘闕稽
考未詳不無掛一漏萬今邑侯滑公鳴琴
之暇憐焉斯典重加訂較訛者正穠者芟
遺者補增新考舊麟麟炳炳聿成鴻編若
非知教化之原而識為政之本者安能留
意於斯耶雖邑固以志傳而志則以人重
宓子單父之琴潞岳河陽之花中牟魯恭

之馴雉葉縣王喬之飛鳧至今艷傳不朽
將來此志當與公善政並垂千古也予何
幸得觀厥成其為愉快曷能言喻我然而
不無有感於懷焉蘓門夙稱名勝惟清泉
一泓甲於闔郡耳每夏秋之間芙蕖十里
秔稻千頃無異江左風味邇將以泉改濟
漕艘昔日之芙蕖秔稻俱雲散煙消變沃
壤而為磽瘠矣今幸我公再四陳請於各

憲欲期無悞運道有益民田歷蒙河道申
詳撫院咨議現奉河院按臨巡視一經具
題將數十年已廢之產而一旦復還舊規此
又共邑之食德於無已者矣時

康熙庚午孟冬穀旦

賜進士出身文林郎知邢臺縣事邑人馬希爵
撰

國有史邑有志何所取諸取諸古今之治

亂人物之臧否與夫山川之險易風土之
高下肥瘠昭然於盈尺之幅使士君子知
鑑古考躬治人之法一展卷而了無遺義
也然士君子鑑於往古使吾身之間不無
遺義而惟此千百年治亂臧否險易高下
肥瘠之數載在盈尺之幅者施之家國而
肥垂之子孫而裕自非學富材優欲志與
史並垂天壤也得乎今

天子稽古右文纂前史述

國史之外又復搜九州邑乘裒為一統志以
昭示後世而大中丞閻公檄下兩河吾輝
邑侯滑父母爰鄭重其事延賓而授簡焉
豈非煌煌盛典哉淫繫官於朝不獲躬廁
校讐以為桑梓增重而嘗竊歎乎修志之
難也川渟嶽峙物殖品沉四部五車疊出
間見耳目稍隘未免墨一漏百之譏則博

洽難山經地志正史稗官傳註箋疏咸資
靜考爬羅致之而鹵莽棄之則精詳難字
淆於魚魯地介於虞芮先後彼此之間非
確有所據不幾兩陽城訛為一邑三鄒子
訛為一人乎則辨疑似分疆界難一隅蓋
爾衆論沸然非數十年硯北之身鉤索而
會通之無由使乘以屈繫珠必階稱則積
累難證據尤難且也時勢互有異同耳目

通為貴賤則重昔者輕今佞俗者茂古二者皆譏而俗尤宜避則予奪不清難磨傳謹嚴龍門委晰欲辭簡而意贍必學醇而理深則繁簡得當難載籍夥如中秘尚多未盡唐李吉甫之元和郡國志宋樂史之寰宇記明顧祖禹之方輿紀要皆手錄秘本未經鏤版坊間則搜括難言之無文行而不遠如椽之筆非燕許手不敢當也則

筆力古澹難而不然者因陋就簡其失也畧蕪穢龐雜其失也荒耳蔽於舊聞目炫於新貴其失也諛語刺刺而意寥寥其失也無節去所當留而留所當去其失也不經然則一邑雖小非大力者志之吾見舌喬而筆閣耳而况卷遊而鄉居者乎塗學落麗窳文不足取重於當世使君不以塗為不材乃走一介問序京師塗雖未覩新

志之燦然者較對山之武功文長之會稽
相去幾許竊以當事者之慎重必有紀事
纂言兩擅其盛而衡治亂於几席研臧否
於鬚眉陰易不難米聚高下肥瘠如指諸
掌以盡一邑之大觀而無憾者然洽猶將
以九難五失俾八郡之志與吾輝一邑之
志兢兢乎有所法戒於其間庶使君可持
以報上官中丞可持以報

天府而天下之大觀於此無憾焉則當代之
志與當代之史並垂天壤間而不材塗名
列簡端亦將附以不朽矣豈非吾生之厚
幸哉昔

康熙庚午仲冬吉日

賜同進士出身內閣中書舍人邑人孫淦撰

家藏邑志稿序

邑有志一邑之事家不得而私之也家既

不得而私則當與衆共成之共守之胡為
而家藏之蓋先中翰公憤當時之纂修者
以私成穢每示不肖正以某段私而不公
某事虛而無據欲奮筆改為藏之家笥用
成信史乃方珥筆承明有志未逮歷今六
十年矣不肖正亦年老才盡適有奉憲脩
志之舉當事謬以相屬竊喜先人之志可
以遂也乃擇舊志疵謬與同人相質每苦

文獻不足恐蹈以不悖為悖之咎因堅辭
其事復念先人志事不可湮沒遂竊取舊
志偽者正之私者直之缺畧者補之俗冗
者刪之纂訂成書告之祖廟藏之家笥先
是先徵君公有蘊門紀事一編規模已具
而細目未終或亦有艱於着筆如今此云
云者遂俱行採入用成合璧以為先中翰
手訂邑志可以為先徵君紀事亦無不可

藏之為一家之私書推之即可為一邑之
信史祇求快先人未竟之志知我罪我何
容心焉乾隆十一年立秋後三日夏峯孫
用正書時年八十五歲

輝縣志卷之首

董厚

九



重脩輝縣志序

余少長於浙東山水之間百越三衢
海門四浦童而習之歷歷猶能記憶
若夫天垣地勝人英物華則東南之
產甲乎天下矣壯走長安既遊三輔
太行八陘萃嶺而西屏河北九流潑
洄而中宅宜其人慷慨而無鄙儻其
地平衍而少磽确趙北燕南視吳頭
楚尾何多讓焉因歷辛未壬申取諸
州邑志乘之所不逮者為圖一百四
十有五貢諸

天府然則余固天涯之客也計讀書於共
纒二十年耳而此二十年中尚文尚
質物換星移耳目所經難更僕數况

前此者當何如後此者又何如耶居
恒與諸弟子語共古封國分野在室
璧之次室主營建璧則天下文明之
府也今邑之乘六十餘年廢墜弗輯
舉山川風土人物之變遷竟與公和
長嘯髣髴於寒煙濯浪中豈非賢士
大夫之責歟有君子作必有毅然任

之者雖然脩志之道難矣而續志之
道更難前人之肇造非盡可躋遺帙
殘編幾同金鑑一經後儒之叅訂魯
魚亥豕如掃敗葉矣欲因之而雷同
勦說近於班史之失之同欲易之而
述異標新近於范史之失之誕此仍
亾古不宜於今者之一難也事隔數

十餘年文獻無徵搜羅匪易去取宜
嚴姑以閭巷之一節言之蓬華布衣
閨幃笄婺含光韜炳身焉用文有子
將月旦之所不及士元風俗之所未
牧者一旦登姓名於剞劂使歌者慕
泣者哀後來者聞風而興起此非公
與明烏足以傳信耶彼司馬遷之史

記議論非不雄竒然其為文也大都
借憤激之詞以抒其磊落之概千百
載下讀者覺其文可法而其事不可
信况才識萬萬不如史遷者乎此宜
於今不信於後者之又一難也有此
二難即君子作鮮不有望洋而興嘆
者歲丁丑

邑侯文公宰共之七年日久化洽推一時治平第一蓋公粵西名宿凡所措施悉本根柢其首務輯黌宮而茂草除創子羔祠而祀事舉脩雙溪橋而廢堰興意者室主營建其見於此歟公鳴琴之暇毅然以重脩邑志為已任事不畏難功無欲速昔朱紫

陽守永康甫下車首先問志公其得先儒之旨執勸之者司鐸同年楊友大雅材也日集里中諸博士各專一家編輯更訂分門一十有二標目六十有三疑必闕確必揚凡更歷寒暑而書以告成余於苦次筆硯久焚樂觀盛舉每取定本讀之典而核

直而有體明辨而多風因慨然曰東
壁之光輝煌於今日者信不誣也他
如空谷大川原陵墳衍一卷之中燦
若列眉又令人有卷石烟霞南轅北
轍之思焉爰綴彥言於卷杪以示後
之君子知續志者之獨為其難也云
爾

乾隆丁丑仲夏上浣之吉

賜進士出身中憲大夫翰林院編脩直隸
分巡通永道知保定正定二府事邑
人王楷撰



志序

粵考周禮小史掌邦國之志外史掌四方之志然則今之邑志非即古之列國史乎舉一邑是非得失理亂興衰之故畢書於冊上脩王朝之採擇下垂來此之勸懲所繫綦重矣苟殘缺失次修輯其可緩乎哉兆禛於庚午之嘉平承乏蒞輝繙閱舊志不無舛訛滲漏之訾且志創始於前明嘉靖萬曆間一修之

國朝順治十六年又修之至康熙庚午滑令彬纂修而後迄今六十有餘季闕然無一字之紀載夫以輝之為邑提封百里太行北峙大河南繞儼然

巖險形勝之區而水秀山明甲於河
朔其地靈鍾毓魁竒翹超之英俊先
輝映而況丁

盛世而際久道之隆田賦日闢戶口日
增節孝人才比肩接踵而倍出若之
何坐聽六十餘年之盛事日就淪佚
散失而不為之所伊誰責耶惟兆堯

輝縣志卷之首

序

二

蒞任伊始值我

皇上巡幸中州

六龍旋御邑之白雲百泉經

翠華之光賁所在古蹟

寵錫

龍章照耀今古于時即思齊慮濡毫恭紀
曠典願以百務待理簿書鞅掌山川土田

未經按厯民情土俗未遽諸嫻將徵
文考獻未易集於崇朝而摹殘碑尋
舊碣以援古而証今更有需於時日
曰是遲之又久未敢漫言從事迨歲
之癸酉年值屢豐訟獄哀簡民風士
習駸駸蒸蒸方與同城寅屬閭邑士
紳謀續滑令之編而適奉

憲檄飭修邑乘兆奩承命歡然敬為
諏吉設局廣諮博訪搜故挹新稔司
鐸楊君喜榮膺涵淵博雅擅麟經總
權考訂復進諸生之賢而有文者分
排綴屬以勦其事公餘之暇與共商
權僭為裁酌先

聖蹟以明憲章次圖考地理以表疆域志
建置詳歷代之沿革志田賦學校重
斯民之教養成民而致力於神於是
志祠祀治民事神皆官師事即次志
職官官職理而廉能著風化行人文
起上堪膺明廷之詔下可樹里黨之
型則選舉人物彙志焉至於藝文技
也而寓乎道是未可畧終之以拾遺
片善微長之必錄歐陽公一行志意
也今卷十二標目六十有三凡三閱
歲而脫藁呈

憲鑒定付梓焉夫志則猶史史事自

古稱難昔薛方山修浙通志七年始

竣孫文忠修高陽志亦十餘季始出

以示人如兆奭才識淺劣聞見孤陋
退食之餘始克披帙捫管摩編一二
雖其難其慎累歲月而成書敢謂堪
備採擇而垂勸懲哉亦聊就前志正
其訛誤補其缺遺撫拾方隅之事蹟
用昭

熙朝雅化

釋縣志卷之首

序

五

各憲勤宣之盛衷輿論之同畢謀野
之責云爾後有起而批謬摘瑕運如
椽之管以成班馬之業者是則兆奭
所厚望也夫

音

乾隆二十二年歲次丁丑夏五月上
浣之吉

賜進士出身戊午科解元

勅授文林郎知輝縣事靈川文兆奭謹序



輝縣志卷之首

序

六



舊志纂修姓氏

嘉靖戊子志

創修知縣范玘續成知縣張天真

萬歷庚辰志

纂修知縣聶良杞

總編邑人進士崔守一

分輯邑人貢生李棐生員李容莊

較閱邑人都勻府知府冀國兵部車駕司主事王同

倫

順治己亥志

輝縣志卷之首

舊志姓氏

纂修知縣趙蔭奇

參訂儒學教諭范輝衛輝府儒學訓導王仲起

編輯生員王光曦

較梓貢生李其即生員楊清曹蒞清

采輯生員周岱

康熙庚午志

纂修知縣滑彬

編輯儒學訓導王新銘

督刊主簿景于禮典史何鎮

較閱邑人成都府知府冀應熊兵部員外郎孟發祥

內閣中書舍人孫淦刑臺縣知縣馬希爵舉人王元臣

分輯生員王光曦李梅郭迺熙

采輯生員李惠

耀縣志卷之四

舊志姓氏

二

修志姓氏

鑒定

巡撫河南等處勞績督督制會書量運河道保運黃兵部右侍郎兼都察院右副都御史加三級圖爾炳阿 滿洲正旗人

煎撫河南等處勞績督督制會書量運河道保運黃兵部右侍郎兼都察院右副都御史加三級圖爾炳阿 炳晴 江蘇陽湖人 丙

欽命詹事府左春坊左庶子提督河南全省學政加三級李宗文 輝安溪人 辰

河南等處承宣布政使司布政使加五級劉 慥 介雲南永北人 丁巳

河南等處提刑按察使司按察使加七級宋邦綏 才江蘇長洲人 丁巳

河南開歸等處督理通省驛鹽水利糧務道加三級翁 藻 棧浙江和和人 癸卯

分府河北兵備道管轄彰衛懷三府等處地方加二級永 泰 滿洲正旗人 進士

分巡河南開歸陳許等處兼理河務兵備道加一級鄧錫禮 巷 江南蕪湖人 丑

輝縣志卷之首 姓氏

分巡河南 陝 汝道加三 級王 錦 綱順天大興人 未

分巡南汝道兼管水利事務加一 級曹繩柱 介 孟新建人 辰

督修

衛 輝 府 知 府 加 一 級金樹屏 軒秀浙江平湖人 生

前 衛 輝 府 知 府 加 二 級王祖晉 現江蘇華亭人 保

河 捕 糧 鹽 水 利 通 判 加 一 級張任莘 殿湖北漢陽人 卯

纂修

輝 縣 知 縣 文兆爽 李廣西靈川人 己未 進士

編輯

輝 縣 儒 學 教 諭 楊喜榮 棧 閩鄉人 舉

參訂

州同管輝縣主簿事劉鏞儀韶冀汶大監

督梓

輝縣典史沈國豐立齋順天典

前輝縣典史史顯周木順天典

同編

直隸保定府知府前分巡通永道翰林院編修汪楷木端邑人丑乙

原任直隸河間縣知縣王鳳霄霖邑人

原任廣東普寧縣知縣孟五金念邑人

山東壽光縣知縣王椿大邑人壬戌

輝縣志卷之首

姓氏

二

分編

原任陳州府扶溝縣教諭張恭謙先邑人丙午

壬申恩科舉人王楠南邑人副榜

辛酉科拔貢生候選教諭郭東銘也邑人副

癸酉科拔貢生候選教諭王以柱維邑人

癸酉科副榜孟東堅次邑人

例貢生候選訓導王祀壽壽邑人原

增廣生員孫在城標邑人

採訪

恩貢生即白麇邑人

廩

膳

生

員郭家英

邑人

廩

膳

生

員王輔

邑人

廩

膳

生

員張桂林

邑人

校對

增

膳

監

生

生王槐

邑人

廩

膳

生

員楊名恪

邑人

廩

膳

生

員羅承祖

邑人

增

廣

生

員冀甲第

邑人

增

廣

生

員李元勳

邑人

增

廣

生

員冀光第

邑人

輝縣志卷之首

姓氏

三

增

廣

生

員張汝楫

邑人

附

學

生

員劉旺

邑人

附

學

生

員張澎

邑人

附

學

生

員焦潤邦

邑人

附

學

生

員郭涵

邑人

附

學

生

員蕭董

邑人

附

學

生

員楊保泰

邑人

附

學

生

員劉元和

邑人

附

學

生

員陳德峻

邑人

附

學

生

員柯永乾

邑人

附	附	附	附
學	學	學	學
生	生	生	生
員蔣起龜	員張文章	員張汝霖	員孫兩生
邑人	邑人	邑人	邑人

輝縣志卷之首

姓氏



一

聖制 聖蹟皆曠代盛典弁冕全志非徒爲一邑之光所以明有尊也

一舊志門類冗雜無闕體要且未能該括茲編分門一十有二標目六十有三九所記載各以類附綱舉目張庶幾便覽

一舊志各門無序率筆直書殊失體裁今於大綱有總論條目有小序其有關地方利弊者或引述論斷或僭附末議以備興革採擇

輝縣志卷之首

九例

一各門有實跡現存或文獻可稽而舊志忽遺者亦有舊志雖載而缺畧不詳考訂未確者今俱爲詳明補註

一諸條事跡有聯篇類記者或依朝代則先古後今或按方位則由近及遠挨排順敘務令較若列眉如舊本風俗志之元先於宋建置山川古蹟邱墓寺觀等志之東西南北錯亂今悉改正

一舊志目具隱逸而不載隱逸之人目無薦辟而突列薦辟之士至倉庫並標則志倉而遺庫其小註以演武塲附麗已屬牽強忽又以總鋪陳保鋪北王鋪雜

記其中且鋪應書輝邑地名而乃系以新鄉縣界均未妥協今俱更正

一星野分而後疆域定疆域定而後沿革著舊志以沿革先天文似無序今釐正

一邨鄰不詳其始封衛併邨鄰當在僖公以前朱子詩註可據舊本沿革志云周共伯之國亦謂之邨春秋時併於衛封建志云共伯始封於邨臆說錯訛寔多貽誤今詳辨於各條之下

一古蹟內先將古地名以類叙前然後於其地之遺踪軼事縷書於後殿其中可疑如仙人跡姑存而不論

輝縣志卷之首

九例

二

至劉伶醒酒臺寔居修武不應攔入若張飛城王莽城馮武寨荒誕不經舊志雖錄今悉刪之

一安樂窩本仰子學易處順治己亥纂修邑乘謬稱窩屬耶律庚午志承訛襲舛仍註舊係耶律相公祠今特更正詳見本條孫用正記

一思賢亭統城河集市廟會雜稅支款恤政歷代忠烈各鄉社學俱有關於政教風化或明志原有而續志刪遺或明志本無而續志未補今俱採入

一一民尺土各有專司新獲寄莊二十雜居輝邑而西山陵川界有九蓮峯紫圍巍明季由晉割隸於輝又

延津縣東南八里有輝縣屯其丁糧賦役均隸於輝
舊志俱畧至本縣村鎮僅志三十有三遺漏者三百
七十有餘今悉查增訂

一存文事者必有武備舊志無兵防今特補入附以戊
墩卡房列叙關隘增補六嶺口雁翅口三交口黃水
口馬頭口蔣壁口峪河口澄池頭列叙舖司附以馬
遞以其均扼險要非事溢登

一康熙五十二年三月十八日奉

聖祖恩詔海宇承平日久戶口日繁州縣徵收錢糧但據康

熙五十年報部丁數爲常額數額之外其餘續生以

輝縣志卷之首

九例

三

口永不加賦今於戶口內特爲書明用昭樂利於無
窮

一輝邑美利在水田開墾堰溝皆言水利舊志以河防
爲綱附於建置殊未協今改河防爲水利續列田賦
末另爲一帙以河夫恤政附之

一學校舊志僅紀祠宇齋舍幾間至學基學田射圃書
籍送學賓興訓導宅一概省脫今增入

一國之大事在祀舊志列祀典於建置竟畧 文廟崇
聖名官鄉賢忠孝節義文昌奎光諸祀典其不奉令
甲者反行收入未免背誤今特列祠祀一門分爲典

祀正祀凡祭期禮樂俱各附載

一傳信傳疑志之體也明志載高柴墓今失其處庚午志刪之今仍補入至蘭相如墓耶律墓兩存其說一因舊一傳疑也舊志陵墓今改卯墓以輝無帝王陵寢不得冒陵

一職官以次悉載其有功德於民者必據事立傳不敢掩抑亦有但存其名而已者後之元子觀所載之詳畧思過半矣

一舊志科目錯亂貢監無序且後武科於貢監未免失次今先文科次武科俱分甲乙次貢士分恩選副歲

輝縣志卷之首

凡例

四

次援例入貢監監不悉載載其出仕考職者

一科目徵薦戚畹鄉飲諸項恭遇覃恩皆得受封襲祿志選舉者宜以封陞爲之殿乃舊志叙恩封於武科之後終以薦辟戚畹叙次未協今爲釐定

二舊志恩封自明始以前俱畧今無據增入惟周之高子羔宋之杜大尉元之姚張諸公皆古今彪炳人物其封爵可按牒而得也特爲補出

一舊志無恩廕今考二杜一紀其襲爵可據亦特補出一人物所以昭地靈忠孝節義關係風教不得遺漏亦不得曲徇將就若流寓分賢官兩項仍舊恙也但有

係籍隣邑徧居是邦亦有未經僑寓祇置產業遽行
收入寔滋冒濫今特爲刪訂其遂因之入籍者不在
此例

一藝文雖有專門而山川名勝亦必各有標題方見眉
目今擇各記述題咏分附各門之下至於類無可附
者列藝文以括之

一舊志創於嘉靖六年繼修於萬歷八年又修於順治
十六年人未有議之者至康熙庚午又復重修卷繁
期促遂多滲漏今又六十餘年矣世遠年湮纂輯匪
易曩有鄉先正孫君諱用正者髦年珥筆輯有成書

輝縣志卷之首

凡例

五

乃孫在城藏守之余訪求披讀以 前明及 國初
舊志參以老成確有聞見之定評今倣其義例變通
之以定規模凡所採取必特爲著明蓋徵文考獻非
自任聰明菲薄前人也

以上數則約舉大凡未盡義類若夫提綱標目另
具簡端縷折條分各詳卷內閱者一覽可得無事
先爲瑣述也

邑令銀江文兆夔季棠氏識

輝縣志總目

卷之一

聖制

聖蹟

卷之二

圖攷

卷之三

地里

卷之四

建置

輝縣志卷之首

卷之五

田賦

卷之六

學校

卷之七

祠祀

卷之八

職官

卷之九

選舉



卷之十

人物

卷之十一

藝文

卷之十二

拾遺

輝縣志卷之首



輝縣志卷之一

輝縣知縣銀江文兆夷

大清光緒十九年
歲次壬午大端月
不肖後學
李霖纂修

聖制

聖蹟

邑有志猶國有史春秋為諸史之祖首先春王尊一
王之大統也我

朝自

世祖章皇帝定鼎以來

列聖相承迄今百有餘年涵濡煦育久道化成

綸綍世渙王言

輝縣志卷之一

聖制

遊豫時敷天澤輝隸中土順則近光固與普天同慶而蘓

門衛源復邀我

皇上鑿輅幸臨所在古蹟

甯錫理章光昭千古蹟叨任是邑奉修志乘觀

玉宇之輝煌仰

聖藻之璀璨不勝懼忭踴躍敬法春秋之旨首志

聖制

聖蹟

聖制

禮部

題奉

欽依刊立卧碑曉示生員

順治九年二月
勒石豈明倫堂

朝廷建立學校選取生員免其丁糧厚以廩膳設學院學
道學官以教之各衙門官以禮相待全要養成賢才
以供

朝廷之用諸生皆當上報

國恩下立人品所有教條開列於後

一 生員之家父母賢智者子當受教父母愚魯或有非
輝縣志卷之一

聖制

二

為者子既讀書明理當再三懇告使父母不陷於危
七

一 生員立志當學為忠臣清官書史所載忠清事蹟務
須互相講究凡利國愛民之事更宜留心

一 生員居心忠厚正直讀書方有實用出仕必作良吏
若心術邪刻讀書必無成就為官必取禍患行害人
之事者徃徃自毀其身常宜思省

一 生員不可干求官長交結勢要希圖進身若果心善
德全上天知之必加以福

一 生員當愛身忍性凡有司官衙門不可輕入即有切

已之事止許家人代告不許干預他人詞訟他人亦不許牽連生員作証

一為學當尊敬先生若講說皆須誠心聽受如有未明從容再問毋妄行辯難為師長者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一 生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

聖諭十六條

輝縣志卷之一

聖制

三

敦孝弟以重人倫

篤宗族以昭雍睦

和鄉黨以息爭訟

重農桑以足衣食

尚節儉以惜財用

隆學校以端士習

黜異端以崇正學

講法律以儆愚頑

明禮讓以厚風俗

務本業以定民志

訓子弟以禁非為

息誣告以全善良

誠匿逃以免株連

完錢糧以省催科

聯保甲以弭盜賊

解讐忿以重身命

康熙三十年九月十九日

勒石監蘇門山
堂閣

上諭戶部朕孜孜圖治軫切民依閭閻耕獲時勤諮訪其

有以荒歉上聞者或蠲或賑旋即施行務令符所念
河南一省連歲秋成未獲豐稔非沛特恩獨恤恐致
民生計艱難康熙三十一年錢糧着通行蠲免並漕
糧亦着停徵至山西陝西被災州縣除照分數蠲免
外其康熙三十一年春夏二季應徵錢糧俱着緩至
秋季徵收用稱朕眷愛黎元撫綏休養至意爾部即
遵諭行特諭

御製

至聖先師孔子贊並序

勒石豎
禮星門

蓋自三才建而天地不居其功一中傳而聖人代宣
其蘊有行道之聖得位以綏猷有明道之聖立言以
輝縣志卷之一

聖制

四

垂憲此正學所以常明人心所以不泯也粵稽往緒
仰邇前徽堯舜禹湯文武遠而在上兼君師之寄行
道之聖人也孔子不得位窮而在下秉刪述之權明
道之聖人也行道者勲業炳於一朝明道者教思周
於百世堯舜文武之後不有孔子則學術紛淆仁義
湮塞斯道之失傳也久矣後之人而欲探二帝三王
之心法以爲治國平天下之準其奚所衷焉然則孔
子之爲萬古一人也審矣朕巡省東國謁祀闕里景
企滋深敬摛筆而爲之贊曰清濁有氣剛柔有質聖
人參之人極以立行著習察舍道莫由維皇建極維

右綏猷作君作師垂統萬古曰惟堯舜禹湯文武五
百餘歲至聖挺生聲金振玉積厥大成序詩刪書定
禮正樂旣窮象繫亦嚴筆削上紹往緒下示來型道
不終晦秩然大經百家紛紛殊途異趨日月無踰美
牆可晤孔子之道惟中與庸此心此理千聖所同孔
子之德仁義中正秉彛之好根本天性庶幾夙夜勗
哉令圖遡源洙泗景躅唐虞載歷庭除式觀禮器摛
毫仰贊心焉遐企百世而上以聖為歸百世而下以
聖為師非師夫子惟師於道統天御世惟道惟寶泰
山巖巖東海泱泱宮牆萬仞夫子之堂孰窺其藩孰
窺其徑道不遠人克念作聖

輝縣志卷之一

聖制

五

御製 復聖顏子贊

聖道早聞天賚獨粹約禮博文不遷不貳一善服膺
萬德來萃能化而齊其樂一致禮樂四代治法兼脩
用行舍藏王佐之器

御製 宗聖曾子贊

洙泗之傳魯以得之一贊曰唯聖學在茲明德新民
止善為期格致誠正均平以推至德要道百行所基
纂承統緒脩明訓辭

御製 述聖子思子贊

於穆天命道之大原靜養動容肅德庸言以育萬物
以贊乾坤九經三重大法是存篤恭慎獨成德之門
卷之藏容擴之無垠

御製 亞聖孟子贊

哲人既萎楊墨曷熾子輿闢之曰仁曰義性善獨闢
知言養氣道稱堯舜學屏功利煌煌七篇並垂六藝
孔學攸傳禹功作配

御製訓飭士子文

國家建立學校教以興行教化作育人材典至渥也朕
臨御以來隆重師儒加意庠序近復慎簡學使釐別

輝縣志卷之一

聖制

六

雙端務期風教修明賢才蔚起庶幾樓楫作人之意
乃比年士習未端儒效罕著雖因內外臣工奉行未
能盡善亦由爾諸生積頹已久猝難改易之故也茲
特親製訓言再加警飭爾諸生其敬聽之從來學者
先立品行次及文學學術事功源委有叙爾諸生幼
聞庭訓長列宮牆朝夕誦讀寧無講究必也躬修實
踐砥礪廉隅敦孝順以事親秉忠貞以立志窮經考
業勿雜荒誕之說取友親師悉化驕盈之氣文章歸
於醇雅母事浮華執度式於規繩最防蕩軼子衿佻
達自茲所譏苟行止有虧雖讀書何益若夫宅心弗

淑行已多愆或蜚語流言脅制官長或隱糧包訟出入公門或唆撥姦猾欺孤凌弱或招呼朋類結社邀盟乃如之人名教不容鄉黨不齒縱幸脫褫朴濫竊章縫返之於裘寧無愧乎况鄉會科名乃掄才大典關係尤鉅士子果有實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊端深可痛恨且夫士子出身之始尤貴以正若茲厥初拜獻便已祗姦犯科則異時敗檢踰閑何所不至又安望其秉公持正為國家宣猷樹績膺後先疏附之選哉朕用

釋縣志卷之一

聖制

七

嘉惠爾等故不禁反復惓惓茲訓言頒到爾等務共體朕心恪遵名訓一切痛加改省爭自濯磨積行勤學以圖上進國家三年營造束帛弓旌不特爾身有榮即爾祖父亦增光寵矣逢時得志寧俟他求哉若仍視為具文玩愒勿儆毀方躍冶暴棄自甘則是爾等冥頑無知終不能率教也既負栽培復干咎戾王章具在朕亦不能為爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業勿修咎亦難逭勿謂朕言之不預也爾多士尚敬聽之哉

御製匾額

萬世師表 康熙二十三年 在大成殿

生民未有 雍正三年 在大成殿

靈源昭瑞 雍正四年 在衛源廟

與天地參 乾隆三年 在大成殿

至教永垂 乾隆十五年 在百泉聖廟

利濟中州 乾隆十五年 在衛源廟

浩氣常存 乾隆十五年 在百泉關帝廟

白雲自在 乾隆十五年 在白雲寺

御製衛源廟對聯 乾隆十五年

輝縣志卷之一 聖制

源瀆蘓門靈泉昭祥瑞

流敷衛土渥澤濟羣生

御製百泉詩 乾隆十五年

清蹕來遊衛水源小如構築儼林園洛中名勝山川

秀秋秋風光松菊存座俛滄池下鷗侶塔含碧蘚育

桐孫讀書近溯周程旨恰喜明窓暖日曛 半頃明

湖菘竹圍衛詩風景尚依依大珠小珠玉盤落知樂

仁樂逸興飛竿綫不期魚受釣樊籠可惜鶴思歸巡

簷更讀前人句却似韓陵可語稀

御製衛源廟詩 乾隆十五年

駐蹕蕪門下躬瞻清衛源地靈神以妥派遠物蒙
恩百顆珠呈琲一泓月似痕流洪潤桑土利澤永中
原

御製嘯臺詩乾隆十五年

太行秀迤蕪門山宜為隱者所盤桓我來深秋氣蕭
霽曠懷以上千年間辭騎屐安凌榮懣懣藉猗靡之
華蘭謾謾天風吹鳳鸞即遇公和於周旋清微嘯旨
我不解慷慨嘯理我或闡嗣宗猖狂豈能攀詩留片
石飄乎仙

御製安樂窩詩

乾隆十五年

輝縣志卷之一

聖制

九

前者周程後者朱同歸何碍却殊途深知天地理數
蘊不作語言文字儒咸思安貧樂道趣常依月到風
來湖嘯臺近在烟霄裏異世芝蘭結契無

聖蹟

百泉

行宮

牌房三間

東朝房三間

西朝房三間

官門三間

茶房三間

膳房三間

垂花門一間

輝縣志卷之一

聖蹟

太后御座五間

御座五間

東船房五間

西船房五間

東西遊廊共十八間

東西爭房

箭亭三間


其餘亭閣房間俱列前圖


行宮圖

輝縣志卷之一

聖蹟

十一





輝縣志卷之一
聖蹟

恭紀百泉

十一

萬壽行宮頌并序

皇帝御極之十有五年大化翔洽海宇昇平舉行

巡方令典

駕幸中州

大孝純篤不欲稍違

皇太后慈顏祇奉

金輿承歡覽勝九月廿一日駐蹕百泉

行宮經宿至再

賜宴羣臣優賞老民老婦

特沛恩綸蠲免是年稅糧之半所在古蹟一皆

飛鋤

龍章昭茲來許於持圭組會同士民歡躍山川草木生色

增輝臣兆爽於歲之嘉平始膺

簡命承乏茲土未獲恭迓

清塵趨蹌班末既乃瞻仰巍煥凜如咫尺

天顏歲在癸酉纂修邑乘敬繪全圖顏諸卷首不揣愚陋

謹効康衢華封順則輞沈獻頌一章仰志

鴻庥光榮典冊頌用

龍光賁耀

輝縣志卷之一
聖蹟

天子萬年為韻

頌曰我

皇御世德符飛龍

纘承丕緒綿祚無窮太和保合品物昭融四表光被萬福

攸同動遵聖軌制重秩宗車書玉帛和會從容春秋

補助勸課桑農

翠華蒞止愠解熏風萃觀聚觀白叟黃童不識不知熙熙

蠢蠢歲在庚午

循令省方

欽依

慈幃孺慕彷徨爰飭

玉輅躬勸

齋餅

葵星移服曰豫且康中州煥彩輝邑載

光歡騰嵩呼喜溢雲颺軒車鞞鞞玉珮鈴鈴靈源

別殿

天宇輝煌乃奉

聖母乃

宴冠裳乃

沛恩膏乃

輝縣志卷之一

聖蹟

賜徜徉與民偕樂軼駕軒皇嘯臺

把勝筆闡幽芳湯金

揮毫泉噴珠香安樂逸窩

榮錫

瑤章清輝高閣扞騁

鸞翔勒示貞珉倬彼天垣

金書玉篆龍騰虎賁千秋

品題燦爛蕪門山靈呼嘯水聲激耀於燦

皇王容光必照溥博如

天軫念窮簷曰蠲曰賜老幼飫活一遊一豫愷澤濃宣民曰

我

后愛我如子未敢攀

鑿曷禁思止泉水悠悠

雲罕繼繼駐蹕二日繫情億萬猗歎哉

孝思維則永錫無邊

皇帝清問翳遊於畋慶行惠施日就雲瞻興歌復旦勤祝

來旋過化存神

端拱枕紆

神功

聖德軼後超前洪迓

輝縣志卷之一
聖蹟

天床

十五

景福綿延小臣管窺靡測

天淵採聽典謔用綴頌篇巍巍蕩蕩無能名焉保佑命申

於萬斯年

輝縣知縣臣文兆夔稽首頓首謹撰

庚午九月恭逢

聖駕巡幸嵩嶽

紆轡蘓門臣楷奉

命常山清塵除道

回鑾之日蒙

恩召對衆春園詢及中州民隱並白露舊墅恭紀長律四

首

雍雍豹尾出甘泉不費民間指甲錢

詔咸田租新雨霽別開圖畫舊山川茅簷但異如三輔

上詢中州辦差亦如直隸無事否時以供頤俱資 內帑

奏對 止聽之

清閭還勞及數椽葵藿正逢秋日故呼嵩千里祝南天

再重樞樞駐旌旗山色湖光淡自宜稠疊桑麻中土

厚勤勞

宵旰小臣知泉源左右風詩著秋杪松筠

輝絲志卷之一

聖蹟

共

寶墨隨

御製浴中名勝山川秀
秋杪風光松菊存

更

諭親民二千石寧為保障莫蠶絲

從容

天語愛民醇馬上

龍顏識

聖人

上謂入中州境百姓遮道皆呼
萬歲醇樸之風甲於他省

鄰界纔分漳水岸擁輪早接大河濱

太安輦過慈光普九旱雲開
祖德新諸吏清塵無一事好崇儉約答

楓宸

一池清冽似西湖十丈園亭更不蕪

召對時
天語及此

翠輦移來設正白金烹

賜出露全敷

車駕幸白雲園
賜羣臣晏

屏開左界芙蓉障盤落源頭大小珠川嶽靈長宜保

護年年望

輝縣志卷之一

聖蹟

趾

幸在康衢

上問百泉諸境後將若何時以
聖駕經臨之後諸惟保護况川嶽效靈萬年永固

奏對

上嘉悅焉

王楷薰沐謹識

輝縣志卷之二

輝縣知縣銀江文兆爽季棠纂修

圖考

周官大司徒掌土地輿圖以周知天下之故九州廣遠按之歷歷如在目前輝雖彈丸然邑境之大小山川之流峙建置之方位人民景物之布列不圖無以著其形也茲姑圖其大者要者庶一展卷而瞭若列眉矣志圖考

目

行宮圖

載入卷一

輝縣志卷之二

圖考

百泉全圖

疆域圖

城池圖

縣治圖

儒學圖

梅溪圖

白雲寺圖

輝縣志卷之二

疆域圖

圖

疆

圖說





輝邑古共城地鄙衛隣晉
 界彰懷之間東接汲淇南
 錯新獲距縣治甚近西屆
 修武西北淩川正北林慮去
 治城遼遠環境連山疊障
 村鎮碁布星羅蓋真豫之

州之導百泉水流注其間環
 繞如帶是修呈鑿無圯無
 淤蓋儼然金湯云

丁丑仲夏


邑令文兆庚季崇說

輝縣志卷之二

圖說

五

縣署圖



匪直永逸
 黼黻保臆
 冀藹千古
 世傳舍云

兮哉

巾五作變

錦紅中冰頭




輝縣志卷之一


學署圖

圖說

七



縣治有學宮養繼以教也學
 宮崇聖廟教本於道也輝學聖
 廟其殿宇廊廡櫺星戟門泮
 池之制無所為迥異而宏敞壯
 麗實甲於他邑蒞斯土者四
 時修潔未遽言恭春秋灌將



詎云盡敬惟率多士而砥礪庶
隅講明彛紀庶幾崇聖而
迪道無歎父母師長之謂
矣

丁丑仲夏

銀江李棠說





輝縣志卷之二

圖說

九

百門山
全圖





蘓嶺爲太行支山其下泉湧百道公和堯夫高隱於斯文獻江漢講學於斯樓閣亭園花卉竹木掩映於山光水色間名人題咏勒石者不可勝紀昔人謂中土之奇觀河朔之麗景也泉左恭建

行宮駐蹕信宿古蹟祠廟皆邀
 御覽扁聯詩詞俱灑
 宸翰益又千古之奇遇云

丁丑仲夏

邑令文兆夔季棠氏說



潯縣志卷之二

圖說

十一

梅溪園



梅溪者元耶律公讀書故址也傍衛
 水以涯距縣球四里公以奇文法元
 祖定弄下泣中書令事業文章燦狀
 可述迨功成而退徜徉於蘓也泉水
 建琴臺月榭植梅數株以走嘯咏復
 也後睹真遺址慨慕想像蓋不勝祇
 迴留心矣

銀江李棠說



輝縣志卷之二

圖說

十二

白雲寺圖





邑人劉永沛畫

寺在太行山麓肇建於唐歷宋
元明以迄

國朝屢經修葺內有奇松怪石泉
流互穿西北丹崖峭壁秀削千
萬竹樹蒼烟四面環圍望之
隱耀若雲封然庚午

聖駕幸臨恭修

御座山呼水媚益稱名勝云

乾隆二十一年仲夏題於共

城之書屋

銀江文兆顛



